



欽定皇輿西域圖志


ル 5	九
104	
9	



凡呂 5

104

9



欽定皇輿西域圖志卷之十目錄

疆域三

安西北路二

迪化州屬

迪化州治

頭道灣庄

五道灣庄

九道灣庄

卡子灣庄

古木

所錢支
有拘那

地窩鋪

土墩子

三個泉庄

倉房溝庄

大西溝

鹽池墩

昌吉縣治

羅克倫

蘆草溝

呼圖克拜

綏來縣治

陽巴勒噶遜

圖古里克

巴克呼蘇

烏蘭烏蘇

和爾郭斯

博羅特克圖魯庫

安濟哈雅

阜康縣治

賽因塔喇

庫里葉圖

納里特

濟木薩

得勒呼蘇台

欽定皇輿西域圖志卷之十

疆域三

安西北路二。

迪化州屬。統縣三。昌吉。綏來。阜康。東至木壘。烏

蘭。烏蘇。阜康縣屬之得勒呼蘇台。接鎮西府奇

臺縣界。東南逾山。接天山南路闢展界。西南接

伊犁東路。北通塔爾巴噶台。西至綏來縣屬之

安濟哈雅。接天山北路庫爾喀喇烏蘇界。

迪化州治。

金定皇朝西域圖志 卷一
迪化州治在烏魯木齊。東距鎮西府一千三百八十里。距京師八千八百九十里。居天山之陰。地當孔道。托克喇鄂拉。博克達鄂拉環其東。烏可克達巴。哲爾格斯鄂拉拱其南。鄂倫淖爾。其左。烏魯木齊郭勒經流其南北。山環水繞。土膏沃衍。宜種殖。舊爲準噶爾庫本諾雅特遊牧處。亦噶勒丹多爾濟之昂吉。乾隆二十年正月。大兵進討準噶爾。噶勒丹多爾濟率其屬。望風降。地皆內屬。有舊城。周可三里。

賜名迪化。別于舊城北建迪化新城。門四。東曰惠孚。西曰豐慶。南曰肇阜。北曰憬諱。在阿勒塔齊郭勒東支流環抱之內。新城內有

萬壽宮。城隍廟。提督駐此。城東有

關帝廟。舊城西亦有

關帝廟。龍王廟。乾隆三十八年。改設直隸迪化州。于迪化城西三十里。建鞏寧城。門四。東曰承曦。西曰宜穡。南曰軌同。北曰樞正。爲知州治。城內有

萬壽宮。

關帝廟。城隍廟。雷雨風神廟。城東爲

文廟。城東南爲先農壇。龍王廟。鎮廸道駐此。阿勒

塔齊郭勒東西。有新舊二屯。見屯政門。共建六堡。堡

各四門。曰惠徠堡。東憬德門。西宣威門。南迎陽

門。北拱化門。曰屢豐堡。東鬯風門。西調露門。南

麗照門。北正衡門。曰宣仁堡。東元善門。西利和

門。南依光門。北奉朔門。曰懷義堡。東登春門。西

稔秋門。南薰溥門。北階平門。曰樂全堡。東引恬

門。西遂成門。南大亨門。北永貞門。曰寶昌堡。東

延詔門。西成泰門。南章教門。北翊辰門。州境東

西一百四十里。東至博克達鄂拉。東北接阜康

縣界。西至頭屯河。接昌吉縣界。南北五百里。南

至根特克。接闐展界。北至葦湖。

按山北準部爲烏孫突厥舊俗。逐水草。無城

郭。史傳所稱。古今不爽。後以回部服屬準噶

爾。間有築城山北者。而于額魯特穹廬氈帳

之舊。則未之或易。自八版圖後。

天朝制度維新。烏魯木齊為準部東境勝壤。始則築城建堡。屯政軍政。以次經理。復肇設州縣。建置學校。風教蔚興。與內地無異。古稱行國。不土著之區。幸際昌時。俾其俗蒸然丕變。稱極盛焉。其地于漢為蒲類國。于唐為北庭大都護府。後入吐蕃。為考證于後。

漢書西域傳蒲類國。王治天山西疏榆谷。西南

至都護治所。都護治烏壘城。今屬哈喇沙爾。千三百八十七里。

後漢書西域傳蒲類國東南去長史所居。長史治柳

中。今屬關展。千二百九十里。

唐書地理志北庭大都護府。領後庭縣。本蒲類

隸西州。後來屬。寶應元年。更名。有蒲類。郝遮。鹹

泉三鎮。特羅堡。

元史地理志自上都西北行六千里。至回鶻五

城。唐號北庭。置都護府。至元五年海都叛。世祖

逆敗之北庭。

按天山自托克喇鄂拉。至博克達鄂拉。百餘里之間。南北綿亘。迪化州當其西境。漢書西

域傳。獨於蒲類國曰在天山西者。當卽今迪化州境也。又傳稱東蒲類王茲力支降都護。分車師後王之西爲烏貪訾離地以居之。是蒲類故地。初在東陁。旣降都護後。乃始西遷爲蒲類國。在天山西也。漢書烏貪訾離國。蒲類國。雖並載而不啻一國。在今則爲迪化州昌吉縣境。特其二國分界處不可考耳。唐後庭縣注本蒲類。故有蒲類鎮。亦以舊國得名。其郝遮。鹹泉。特羅諸鎮堡。方隅疆域。不可考

矣。

唐書回鶻傳阿史那賀魯之盜北庭。婆閏以騎五萬助契苾何力等破賀魯。收北庭。安西北庭。自天寶末失關隴。朝貢道隔伊西。北庭節度使李元忠。數遣使奉表不至。貞元二年。假道回鶻。乃得至長安。帝進元忠爲北庭大都護。自是道雖通而虜求取無涖。沙陀別部六千帳。與北庭相依。亦厭哀索。至三葛祿。白眼突厥。素臣回鶻者。密附吐蕃。故吐蕃因沙陀共寇北庭。北庭陷。

葛祿取深圖川。回鶻大恐。稍南其部落以避之。
吐蕃傳。北庭沙陀別部叛。吐蕃因是陷北庭都
護府。安西道絕。獨西川人尙爲唐守。

按唐貞觀二十三年。以阿史那賀魯部落。置
瑤池都督府。永徽四年廢。顯慶二年。擒賀魯。
分其地。置都護。都督諸府。其役屬諸胡。皆爲
州。總隸北庭都護。自今廸化州。西抵伊犁。皆
其境也。而廸化州屬境。爲天山北一大都會。
應爲唐時北庭都護駐防之所。爰舉史傳証

之。其隨地分見者。析著各條之下。復統論北
庭大畧如此。顧唐自天寶末。貢道中阻。厥後
北庭陷入吐蕃。伊西以外。均非唐有。卽初擒
賀魯。開置北庭之始。亦不過遙設州府。以示
羈縻。實則戶口不登。貢賦不入。曾不再傳。俱
歸淪棄。是則天山迤北。從古未隸中國輿圖。
信有徵矣。非我

皇朝德遐邇。什伯曩古。曷由胥化外而疆索之哉。
頭道灣庄。

頭道灣庄。在州治北二十五里。阿勒塔齊郭勒北行分流處。東有二道灣。三道灣。四道灣庄。

五道灣庄。

五道灣庄。在州治東北二十五里。踰阿勒塔齊郭勒至其地。在屢豐堡東。又東有六道灣。七道灣。八道灣庄。

九道灣庄。

九道灣庄。在五道灣東八里。踰河至其地。又東有熱水泉。

按自頭道灣庄至此凡九庄。茲舉居民殷庶者著爲綱。餘從附敘云。

卡子灣庄。

卡子灣庄。在五道灣北十里。自五道灣至此。博土克達鄂拉峙其東南。山麓流泉環帶。庄戶鱗比。致爲勝秀。

古木。

古木。在州治東北四十里。乾隆二十七年。于其地建輯懷城。門四。東曰承恩。西曰敷信。南曰暘。

若。北曰星從。城北有輯懷城塘。

地窩鋪。

地窩鋪。在州治西三十里。當鞏寧城北。踰烏魯木齊支河至其地。有地窩鋪塘。

土墩子。

土墩子。在地窩鋪西三十里。東距州治六十里。當鞏寧城西北。踰烏魯木齊支河至其地。有土墩子塘。

三個泉庄。

三個泉庄。在鞏寧城西北三十里。東距州治七十里。其南二十里為西三個泉。泉皆匯流入烏魯木齊郭勒。

倉房溝庄。

倉房溝庄。在西三個泉庄南二十里。

大西溝。

大西溝。在鞏寧城東南三十里。東北距州治二十里。當烏魯木齊郭勒發源處。水泉饒沃。居民櫛比。東踰烏魯木齊郭勒十里。有小河。出南山。

麓北流居民依之。稱南山戶庄。

鹽池墩。

鹽池墩。在州治南五十里阿勒塔齊郭勒流其東。有鹽池墩塘。又東南行踰阿勒塔齊郭勒循南山麓。稱達巴根戶庄。又東南為多倫達巴。又東南行出山。接關展界。

以上屬迪化州本境。

昌吉縣治。

昌吉縣治。舊地名昌吉。在迪化州西。東距州治

一百二十里。昌吉郭勒經流其地。乾隆二十七年。於昌吉郭勒西。建寧邊城。門四。東曰文同。西曰武定。南曰諧邇。北曰燮遐。乾隆三十八年。設縣。隸迪化州。縣治東有二屯。縣北有文廟。八蜡廟。火神廟。城北有關帝廟。東北有先農壇。昌吉郭勒東西有三屯。見屯縣境東西二百里。東至頭屯河。接迪化州界。政門。西至呼圖克拜郭勒。接綏來縣界。南至天山。北至葦湖。

羅克倫。

羅克倫。在縣治西二十里。昌吉羅克倫。舊為噶勒丹多爾濟遊牧之所。乾隆二十年三月。大兵進討準噶爾。噶勒丹多爾濟。偕其兄子扎納噶爾布以二千五百餘戶降。二十一年十一月。扎納噶爾布叛。二十二年二月。殺噶勒丹多爾濟於安齊哈雅。扎納噶爾布。旋為布爾吉特台吉渾齊等擒斬以獻。所部乃平。

漢書西域傳蒲類後國王。去長安八千六百三

平十里。

按漢書西域傳載蒲類前國。去長安八千三百六十里。後國去長安八千六百三十里。則蓋草後國當居前國之西北境。今昌吉縣東南與迪化州接壤。迪化州為蒲類前國。則昌吉為蒲類後國可知也。又按羅克倫與樓蘭字音相近。疑即其國故地。然考樓蘭。漢元鳳四年。改名鄯善。後漢書稱自敦煌出玉門關。涉鄯善。玉門關在今安西州敦煌縣西。以方位道

里考之。樓蘭故地。當在今敦煌縣西境外之
色爾騰海。今之羅克倫。在天山北。與敦煌西
境之色爾騰海。南北相去千餘里。似非樓蘭
故地。或當時樓蘭人。曾徙居山北。即名其地
為樓蘭。後遂訛為羅克倫。未可知耳。

蘆草溝。

蘆草溝。在羅克倫西五十里。東距昌吉縣治七
十里。東為小蘆草溝。設有大小蘆草溝塘。
呼圖克拜。

呼圖克拜。

舊對音 呼圖壁

在蘆草溝西二十里。東距昌

吉縣治九十里。乾隆二十九年。建景化城門四。
東曰熙景。西曰寶成。南曰阜薰。北曰溥信。呼圖
克拜郭勒出天山北麓。北流經其東。

以上屬昌吉縣。

綏來縣治。

綏來縣治舊地名瑪納斯。在昌吉縣西北。東南
距昌吉縣治二百二十里。距迪化州治三百四
十里。瑪納斯郭勒環其西。塔什郭勒。

一名哈齊 克郭勒

經其東。俱從天山北麓發源。北流百餘里。左右迴抱。地勢寬平。水泉饒裕。亦古都會也。舊為準噶爾呼拉瑪部游牧地。納木奇之昂吉。乾隆二十八年。入版圖後。建綏來堡。門三。曰卽敘。曰迪康。曰覃化。四十二年。建左右二城。左為綏寧城。門四。東曰迎曦。西曰兆成。南曰來薰。北曰寧漠。右為康吉城。門四。東曰延旭。西曰慶豐。南曰麗端。北曰鞏遐。兩城南北相倚。西面設關曰靖遠。關門之內。

關帝廟。城隍廟在焉。四十四年。設綏來縣。隸廸化州。縣境東西一百二十里。東至圖古里克。接昌吉縣界。西南至安濟哈雅。接庫爾喀喇烏蘇界。南至天山。北至葦湖。縣治東二十里有塔什河塘。

漢書西域傳。宣帝初卽位。公主及昆彌。皆遣使上書。言匈奴復連發大兵。侵擊烏孫。取車延惡師地。收人民去使。使謂烏孫。趣持公主來。欲隔絕漢。

後漢書西域傳移支國居蒲類地其人勇猛敢戰以寇鈔為事皆被髮隨畜逐水草不知田作唐書突厥傳西突厥由焉耆北八日行得北庭乙毗鉢羅肆葉護可汗忌泥孰泥孰亡入焉耆後肆葉護可汗走康居國人迎泥孰於焉耆立之是為咄陸可汗賀魯取咄陸可汗故地及敗裂其地為州縣以處諸部胡祿屋闕部為鹽泊都督府隸安西都護府地理志鹽泊都督府以胡祿屋闕部置隸北庭都護府

按酈道元水經注焉耆之北敦薨之山在匈奴之西烏孫之東是匈奴烏孫交界處在焉耆之北今自山南哈喇沙爾北踰天山是其地也今之迪化州昌吉縣為漢時蒲類前後國說見本卷其直北當屬匈奴西境由是以西為烏孫東境南與焉耆相直如今伊犁東南路即漢時烏孫國之東境也後漢書移支國居蒲類地應在今昌吉縣西與今綏來縣全境方位相合應屬後漢移支國地陽巴勒噶遜

南去哈喇沙爾五百里。以唐書由焉耆北八日行爲西突厥北庭之文証之。則此當屬唐時西突厥北庭。惟其境在焉耆正北。本相近附。是以泥孰亡入焉耆。國人迎而立之也。再考當時五咄陸部。俱屬西突厥東境。而葛邏祿胡屋。即胡祿屋。關。鼠泥施三姓。於聖歷四年內屬。境地毗連。以今地位考之。葛邏祿居北。當在塔爾巴噶台。納林和博克一帶。與處木昆部雜居。鼠尼施爲處半部。在裕勒都斯一帶。

更以博羅塔拉左右之爲攝舍提噉部。伊犁左右之爲突騎施索葛莫賀部。伊犁以西之爲突騎施阿利施部推之。說並見十二卷。及本卷名條下。則所謂胡祿屋關部者。應在今額彬格遜淖爾南境。左右諸河環抱之間。與今綏來縣全境。形勢適符。而唐得之以爲鹽泊都督府者。也。惟地理志鹽泊都督府。隸北庭都護。突厥傳隸安西都護。說不相同。然考當時北庭大都護府。統縣四。金滿。輪臺。後庭。西海。輪臺在

龜茲東。西海。應卽西突厥傳所謂雷翁海。是北庭所轄之境甚廣。且據地理志。十姓部落。皆隸北庭。惟四鎮都督府。州三十四。河西內屬諸胡。州十二。府二。西域府十六。州七十二。則隸安西都護府。兩都護府境地。多寡適中。如突厥傳所云。則十姓部落。亦隸安西。其北庭所轄。不應太小。且安得輪臺西海而縣之邪。此當以地理志之說爲正也。

陽巴勒噶遜

陽巴勒噶遜在縣治東三十里。舊說以爲古陽

關者非是。

說詳疆域一
敦煌縣條。

圖古里克。

圖古里克。在陽巴勒噶遜東五十里。西北距綏來縣治八十里。圖古里克郭勒。出天山北麓。北流經其地。有圖古里克塘。

巴克呼蘇。

巴克呼蘇。在綏來縣治西四十里。南距哈屯博克達鄂拉一百里。當孔道。設有破城子塘。

按唐書突厥傳。由焉耆北八日行。得西突厥北庭。與處月。處密。諸種雜。處月卽漢車師後城。金滿地。處密應在其西。又咄陸以處月處密兵圍天山。而不克。孝恪追北。抵遏索山。斬千餘級。降處密部而歸。遏索山應卽今哈屯博克達鄂拉。處密部應在其北。疑與今之巴克呼蘇相近。

烏蘭烏蘇。

烏蘭烏蘇。在巴克呼蘇西四十里。

和爾郭斯。

和爾郭斯。舊對音爲和落霍漸。在烏蘭烏蘇西十里。東距綏來縣治八十里。地有和爾郭斯郭勒。乾隆二十三年正月。超勇郡王將軍策布登扎布。以四百人追準噶爾。從賊布庫察漢。哈薩克沙喇等至此。賊衆千餘。以輜重先行。賊據險設伏。我兵至。賊蜂聚。鎗礮四集。策布登扎布奮勇突圍。擒其宰桑渥赭特。殲衆四百。我軍無一傷者。賊乃潰散。

御製和落霍漸行

戊寅

今春我師勦逆夷首戰實和落霍漸斬將擐期早報捷酬勞頒賚已有差卽今生解俘囚至日渥赭特宰桑伊散秩大臣曾授職乃敢倡亂如鴟鴞面詢彼所致敗故咋舌惟嘆天奪其彼衆猶有千餘騎覘知我寡設計奇輜重遠行誘我逐層層伏賊據險巖官兵四百始馳至少騎示弱山之陞我進彼乃蠡甬集銳礮如雨循環施我軍曾無一傷者百靈擁護信有之衝鋒突入矢齊發賊乃喪膽紛離披鹿埵隴種各逃

命大韃大膊張軍威殲彼屍僵近四百負傷遁者數無訾是誠

天

助額手慶奮勇要亦資人爲問率軍者其人誰超勇

親王家聲貽

將軍策布登札布爲超勇親王額駙策楞之子其兄成衮札布襲封親王策布

登扎布以奮勇著績爵封郡王亦賜號超勇

博羅特克圖魯庫。

博羅特克圖魯庫。在巴克呼蘇西二十里。東距

綏來縣治一百里。和爾郭斯郭勒西。

安濟哈雅。

安濟哈雅。在博羅特克圖魯庫西南五十里。東距綏來縣治一百五十里。南北有山。安濟哈雅郭勒經流其地。形勢緊嚴。饒水草。宜耕牧。舊準噶爾部。噶勒丹多爾濟之姪。扎納噶爾布游牧於此。乾隆二十二年四月。呢嗎與噶勒丹多爾濟不協。說扎納噶爾布殺之。及所屬舊宰桑等。據其餘衆。與呢嗎。扎哈沁爲一。欲據準噶爾爲台吉。乃自安濟哈雅。移博羅塔拉而去。後爲布爾古特台吉。渾齊等擒殺。其部悉定。東爲巴哈

安濟哈雅。西爲伊克安濟哈雅。西接庫爾喀喇烏蘇界。

以上屬綏來縣。

阜康縣治。

阜康縣治。舊地名特訥格爾。在迪化州治東北二百里。舊爲準噶爾圖爾古特部游牧處。入版圖後。建阜康堡。門四。東曰綏惠。西曰振武。南曰麗陽。北曰寧朔。乾隆四十一年。設阜康縣。隸迪化州。縣境東西三百十里。東至得勒呼蘇台。接

鎮西府奇臺縣界。西至甘泉鋪。接廸化州界。南至天山。北至葦湖。

〔漢書西域傳〕烏貪訾離國。王治于婁谷。東與單桓。南與且彌。西與烏孫接。

按漢且彌國在天山南。金嶺北。為山北六國之一。烏貪訾離。南與且彌國接。可知其國在博克達鄂拉之北。與今阜康縣治之特訥格爾。方位相合。應即其地。又烏貪訾離。與烏魯木齊字音相近。特訥格爾。與烏魯木齊境界

毗接。在漢時當是一國地。故其名雖變而不相離也。又漢書稱烏貪訾離。為車師後王西境分國。是其東境應與車師後國接。今阜康縣屬東境。當屬車師後王國地。詳見後濟木薩條

賽因塔喇。

賽因塔喇。在阜康縣治東六十里。南距達克達鄂拉八十里。平原沃壤。廣饒水草。宜耕牧。又東三十里為滋泥泉塘。

〔漢書西域傳〕單桓國。治單桓城。去長安八千八

百七十里。

按漢烏貪訾離國。東與單桓接。今阜康縣治。為烏貪訾離地。賽因塔喇居其東境。應即單桓國地。漢書西域傳。稱單桓戶止二十七。其國甚小。畧如今縣屬之一塘耳。

庫里葉圖。

庫里葉圖。在賽因塔喇東六十里。西距阜康縣治一百二十里。

納里特。

納里特。在庫里葉圖東二十里。西距阜康縣治一百四十里。又東十里為三台塘。

濟木薩。

濟木薩。在三台塘東七十里。西距阜康縣治二百三十里。舊城一。乾隆三十七年增築。

賜名愷安。門三。東曰麗旭。西曰同風。南曰覃惠。又新建保惠城。門三。東曰舒景。西曰阜登。南曰萃昌。舊城西五里為柳樹溝。建堡一。曰時和。門三。東曰皞平。西曰肅正。南曰麗照。又西二十五里為

雙全河建堡一曰育昌門三東曰廣生西曰徠極南曰兆嘉俱有屯田見屯門濟木薩東北四十里為伯什特勒克有舊城

漢書西域傳車師後王姑句與匈奴南將軍地

接戊巳校尉徐普欲分明其界召姑句使證之不肯

擊之姑句馳突出高昌壁入匈奴單于執送因請其罪不聽斬姑句建國二年車師後王須置離欲亡入匈奴戊巳校尉刁護聞之驗問詞服都護但欽斬置離兄輔國侯狐蘭支將置離眾

二千餘人驅畜產舉國亡降匈奴

後漢書西域傳置戍部候居車師後部候城相去五百里又自高昌壁北通後部金滿城五百里後王居塗務谷去長史所居五百里去洛陽九千六百二十里北與匈奴接後部西通烏孫建武二十一年遣子入侍光武遣還之乃附屬匈奴永元八年戊巳校尉索顏欲廢後部王涿鞮涿鞮反擊前王尉卑明年漢討涿鞮入北匈奴追斬之立涿鞮弟農奇為王永寧元年後王

軍就及母沙麻叛。殺部司馬。延光四年。長史班勇擊斬之。永建元年。勇率農奇子加特奴。擊呼衍王破之。立為後王。陽嘉四年。呼衍王侵後部。救之。永興元年。車師後部王阿羅多。亡走北匈奴中。立後部故王軍就質子卑君為後郡王。後阿羅多還。與卑君爭國。戊校尉閻詳許復為王。乃詣詳降。於是收奪所賜卑君印綬。更立阿羅多為王。

〔魏畧西戎傳〕北新道西行。東至且彌國。西且彌

國。單桓國。畢陸國。蒲陸國。烏貪國。皆并屬車師後部。王治于賴城。魏賜其王號大都尉。受魏王印。

〔唐書西域傳〕高昌王文泰與西突厥通。以金厚餉西突厥。欲谷設約有急為表裏。使葉護屯可汗浮圖城。〔地理志〕北庭大都護府。本廷州。貞觀十四年。平高昌。以西突厥泥伏沙鉢羅葉護阿史那賀魯部落置。長安二年。為北庭都護府。縣四。金滿。輪臺。後庭。西海。

按漢車師後國南與車師前國接。班書謂之後國。范書謂之後部。今天山南關展屬爲車師前部地。詳見天山南路。自濟木薩南踰天山。通關展所屬之交河。卽漢書由前部高昌壁。通後部金滿城之路。是車師後王國在今阜康縣境內。而所謂金滿城者。與今濟木薩爲近似矣。關展北倚天山。踰山爲唐西突厥地。葉護屯可汗浮圖城。與高昌相影響。其地必與高昌北境相屬。故得藉此以爲聲援。今濟木薩

與東北境之伯什特勒克。皆有舊城。而自濟木薩南踰天山。通關展。卽高昌地。疑漢時金滿城。唐時浮圖城故址。于是乎在也。處月內屬。卽其地置金滿沙陀二州。金滿居西。卽漢金滿城舊地。又爲金滿縣。隸北庭都護府。皆以漢城得名。又攷漢書匈奴東蒲類王降都護。分車師後王之西爲烏貪訾離地以處之。烏貪訾離南與且彌接。爲今之特訥格爾。卽阜康縣治。則特訥格爾以東。應屬車師後王

地。魚豢魏畧載車師後部王治于賴城。與漢書所載烏貪訾離國治于婁谷者。境本毗連音亦相近。疑于賴城。卽在于婁谷。畢陸卽漢卑陸字之訛也。至漢前國後國。卽唐前庭後庭名號相沿。大畧可証。然唐時北庭四縣。疆域甚廣。應不止車師後王之地。以地理志考之。後庭縣注云。本蒲類。是兼有蒲類國也。輪臺縣本漢輪臺地。是兼有焉耆國也。惟金滿縣卽金滿城。爲漢車師後國之地。是不得謂

唐之後庭卽漢之後國者。要不得謂漢之後國非唐之北庭矣。

得勒呼蘇台。

得勒呼蘇台。在伯什特勒克城南五十里。其西二十里。爲伊克呼蘇台。又東接奇臺縣界。以上屬阜康縣。

欽定皇輿西域圖志卷之十

圖志卷之十

欽定皇輿西域圖志卷之十一目錄

疆域四

天山北路一

庫爾喀喇烏蘇路

庫爾喀喇烏蘇

奎屯

布勒哈齊

達木達喀喇烏蘇

古爾圖喀喇烏蘇

托多克

鄂壘扎拉圖

噶順

烏里雅蘇圖

晶河

托里

察罕拜牲

東托和木圖

鄂塔爾巴噶台路

欽定皇朝西域圖志卷之十一目錄

雅爾

奇爾哈遜齊布哈達遜

愛呼斯

烏蘭呼濟爾

綽爾郭

察罕呼濟爾

額敏

哲克得里克

納林和博克

格爾鄂爾格

克特和博克

烘郭爾鄂籠

什巴爾圖

烏爾圖

薩里

納木

穆呼勒戴鄂多特

達爾達木圖

蘇海圖

謨多圖布古圖

尼楚滾布古圖

伊奇爾

布爾噶蘇台


察拉垓

綽爾

齋爾

額爾齊斯

青吉勒



欽定皇輿西域圖志卷之十一

疆域四

天山北路一。

庫爾喀喇烏蘇路。東至奎屯。接安西北路。迪化

州綏來縣界。西至托和木圖。接伊犁東路之呼

蘇圖布拉克臺界。北接塔爾巴哈台界。南界天

山。

庫爾喀喇烏蘇。在迪化州綏來縣屬安濟哈雅

西二十里庫爾郭勒。源發天山北麓。北流經其地。乾隆二十八年。於河濱建遂成堡。門四。東曰延和。西曰迎灝。南曰調薰。北曰溥信。設兵屯田。

見屯政門。

奎屯。

奎屯。在庫爾喀喇烏蘇東五十里。東有長河。當孔道。舊爲布爾古特台吉呢嗎游牧處。呢嗎內附。授職從征。後附阿睦爾撒納。劫將軍和起。乾隆二十二年。將軍成衮扎布。遣副都統由屯等。

追至哈什郭勒上游之阿爾齊圖山口。擒之。伏誅。其地東與迪化州綏來縣屬之安濟哈雅接界。舊相毗連爲一部。自奎屯北行九十里爲庫爾郭勒東境。又九十里爲沙拉烏蘇。又七十里爲鄂倫布拉克。又北接塔爾巴噶台界。

布勒哈齊。

布勒哈齊。在庫爾喀喇烏蘇西六十五里。西濱濟爾噶朗郭勒。南境有水北流。入濟爾噶朗郭勒。下流彙入布勒哈齊郭勒。西流入淖爾。

按布勒哈齊在布勒哈齊淖爾西南境支河之間。自布勒哈齊迤西一帶。應屬唐時西突厥之攝舍提墩部地。

說見後博羅塔拉條。

達木達喀喇烏蘇。

達木達喀喇烏蘇在布勒哈齊西六十里。額布圖郭勒經流其地。

古爾圖喀喇烏蘇。

古爾圖喀喇烏蘇。

在達木達喀喇烏蘇西五十里。地有流泉。潄為小澤。

托多克

托多克。在古爾圖喀喇烏蘇西六十里。有泉三道。合而東北流。南五十里曰阿克塔木。

鄂壘扎拉圖。

鄂壘扎拉圖在托多克西四十里。乾隆二十一年冬。阿睦爾撒納之叛。準噶爾宰桑等俱為煽惑。將軍兆惠自濟爾噶朗以偏師往守伊犁。甫至鄂壘扎拉圖。突與達什策凌等賊遇。乘夜出擊。殲賊千餘。而噶爾藏多爾濟扎納噶爾布等

渠會。復合兵邀我師歸路。適援兵圖倫楚至。并力夾擊。賊解圍潛遁。我師全隊還巴爾庫勒。御製戰圖補詠紀其事。恭載卷首。

噶順。

噶順。在鄂壘扎拉圖西三十里。布勒哈齊淖爾。瀕其北。哈喇古顏鄂拉峙其南。

烏里雅蘇圖。

烏里雅蘇圖。在噶順西七十里。有土城。向為西路大兵駐營之所。

晶河。

晶河。地以河名。在烏里雅蘇圖西三十里。乾隆二十三年十月。將軍兆惠擒布爾古特台吉渾齊於此。初。渾齊以從賊扎納噶爾布首級來獻。及是降之。入版圖後。于乾隆二十八年。建豐潤堡。門三。曰咸寧。曰同軌。曰景風。其地土膏饒沃。有屯田。見屯政門。

托里。

托里。在晶河西六十里。地有小水。清圓如鏡。又

西南有地名古爾班呼蘇台。

察罕拜牲。

察罕拜牲。在托里西五十里。有舊城。

托和木圖。

托和木圖。在察罕拜牲西二十里。踰庫克木蘇克郭勒至其地。又西接伊犁界。

塔爾巴噶台路。自塔爾巴噶台東行至額爾齊斯。接喀爾喀界。西行至齋爾。接哈薩克界。南踰沙磧。接安西北路。迪化州界。北接藩屬俄羅斯

界。

塔爾巴噶台。

塔爾巴噶台。在迪化州北五百里。東北距阿勒坦鄂拉千里。地廣饒水草。宜畜牧。當準噶爾東北境。舊爲伊克明阿特部游牧之所。巴雅爾之昂吉。乾隆二十年。大兵進討準噶爾。巴雅爾以其屬降。及阿睦爾撒納叛。巴雅爾旋附爲逆。二十二年五月。叅贊大臣富德窮追阿睦爾撒納。至塔爾巴噶台鄂拉。特里特達巴。時巴雅爾潛

據山谷間。侍衛奇徹布等。設伏於險。驍騎校訥門德勒等。伏雅爾郭勒渡口。夜半。巴雅爾以其妻子及所屬逸出。遇訥門德勒。殺四人。擒一人。奇徹布等追之。至雅爾郭勒下流。窄河山岩內。賊方造食。奇徹布麾軍繞岩進。侍衛努三下流衝擊。斬二十賊。獲宰桑一及巴雅爾子塔拉巴爾。巴雅爾又以餘衆走匿塔爾巴噶台山谷。與護軍校占頗圖。馬甲海蘭察遇。擒之。於是塔爾巴噶台左右諸境。俱入版圖。乾隆三十二年。建

綏靖城。門三。東曰翔和。西曰布說。南曰遂亨。

唐書回鶻傳。葛邏祿本突厥諸族。在北庭西北金山之西。有三族。一謀落。或爲謀刺。二熾俟。或爲婆匄。三踏實力。永徽初。高俤之伐車鼻可汗。三族皆內屬。顯慶二年。以謀落部爲陰山都督府。熾俟部爲大漠都督府。踏實力部爲元池都督府。卽用其酋長爲都督。熾俟部置金附州。三族當東西突厥間。常視其興衰。附叛不常也。後稍南徙。自號三姓葉護。廷州以西諸突厥皆畏

之。開元初再來朝。天寶時與回紇拔悉密共攻殺烏蘇米施可汗。又與回紇擊拔悉密。走其可汗阿史那施於北庭。奔京師。葛祿即葛祿與九姓復立回紇葉護懷仁可汗。於是葛祿之處烏德鞬山者臣回紇。在金山北庭者自立葉護。歲來朝。久之葉護頓毗伽縛突厥叛會阿布思進封金山郡王。天寶間凡五朝。至德後葛邏祿寢盛與回紇爭強。徙十姓可汗故地盡有碎葉怛羅斯諸城。地理志顯慶三年分葛邏祿三部置三

府陰山州都督府。以謀落部置大漠州都督府。以熾俟部置元池州都督府。以踏實力部置金附州都督府。析大漠州置右隸北庭都護府。

按唐書回鶻傳載賀魯居多羅斯川時。統有歌邏祿部。歌邏祿即葛邏祿也。賀魯滅於唐高宗永徽四年。而葛邏祿已于永徽之初內附。其三族分疆之處。史無明文。難以審証。然考當時東西突厥。分有烏孫故地。葛邏祿居東西突厥間。而沙陀突厥則與東西突厥雜

居者爲今塔爾巴噶台以南。迪化州以北。一帶沙磧。以此推之。葛邏祿舊壤。當在沙磧之北。與今塔爾巴噶台全境所屬方位相合。其地東直金山。南直廷州。所謂在金山北庭者。而頓毗伽封金山郡王。亦以其附近金山。故有是號也。至三葛邏祿與車鼻接壤。而史稱車鼻在金山之北。蓋知葛邏祿在金山之西矣。

雅爾。

雅爾。在塔爾巴噶台西北二百里。舊爲準噶爾伊克明阿特部游牧之所。車凌班珠爾之昂吉。乾隆二十八年。建肇豐城。門四。東曰翔和。南曰乘離。西曰布說。北曰暨湖。土壤膏沃。水草滋豐。雅爾郭勒經流其北。西北流入愛呼斯淖爾。奇爾噶遜齊布哈達遜。

奇爾噶遜齊布哈達遜。在塔爾巴噶台東南。朱爾庫朱鄂拉西。乾隆二十年。阿睦爾撒納叛。包沁部宰桑阿克諸爾等附爲逆。時侍衛奇徹布

監其衆。阿克諸爾以兵圍軍營。奇徹布倉卒無備。匹馬突圍。引弓左右射。賊盡辟易。且戰且走。入柳林內。賊圍之數重。懼其勇。不敢犯。復射殺十餘賊。衆乃潰。

天子壯其勇。賜名舒布圖鎧巴圍魯。於是包沁賊衆關出卡倫竄走。北路喀爾喀郡王巴扎爾錫第等窮追及此。擒之。所部乃定。

御製舒布圖鎧巴圖魯奇徹布歌

丙子

千人萬人敵。昔有亦惟能。將資衆力。一人奮勇敵。

千昔未前聞。今始出其人。曰惟奇徹布。向爲侍衛備。

宿值叶去歲從軍監。包沁包沁之人。乃通賊。

厄魯特呼噶爲

包包沁其司噶人也上年五月其宰桑阿克諸爾率衆二千餘人來附逆賊阿睦爾撒納之亂包沁煽動關出卡倫爲官軍所殲來圍其帳。欲肆害奇徹布。曾無懼色。徐

腰橐鞬。手弓箭。出帳跨馬。聲霹靂。蟻聚叫譟。羣近前。應弦覆倒。賊辟易。辟易復前。恃其衆長。鎗大銃近。相逼奇徹布。且戰且走得。一柳林爲障。翼賊人圍之。凡數重。恐自傷。無施銃隙。持鎗人亦不敢進。進被箭死。屍橫路。二千人各二千心。一人氣奪二千魄。侵尋天

暮衆西奔奇徹布歸奏殊績賜金賜爵酬勤勞復請
從師肯宴息舒布圖鎧巴圖魯神勇之名汝應得荆
軻孟賁匹夫豪日月燭火光應熄我歌嘉爾豈徒然
勗我八旗永爲式

愛呼斯。

愛呼斯。在塔爾巴噶台西七十里。愛呼斯淖爾
發源其地。瀦爲大澤。北接哈薩克界。

烏蘭呼濟爾。

烏蘭呼濟爾。在雅爾東南。北倚朱爾庫朱鄂拉。

舊爲布庫努特鄂拓克游牧之所。

後漢書西域傳蒲類王得罪單于。徙六千餘口。
內之匈奴右部阿惡地。因號阿惡國。南去車師
後部。馬行九十餘日。人口貧羸。逃亡山谷間。故
留爲國云。

按漢時匈奴烏孫交界處。在焉耆直北。今烏
蘭呼濟爾。在闡展直北。應屬匈奴西境。所謂
右部者是已。范史所稱阿惡國。雖無里道遠
近可考。然當時蒲類王得罪匈奴單于。而西

遷其人於此。以方位求之。宜在今烏蘭呼濟
爾南境。近附砂磧之地也。由是而南入沙磧。
爲沙陀突厥故壤。詳見本卷哲克得里克條。
綽爾郭。

綽爾郭。在烏蘭呼濟爾西。鄂爾和楚克鄂拉北。
地饒水草。舊爲阿睦爾撒納之昂吉。

察罕呼濟爾。

察罕呼濟爾。在鄂爾和楚克鄂拉北。綽爾郭西。
舊爲達瓦齊之昂吉。

額敏。

額敏。在察罕呼濟爾西。烏里雅蘇台郭勒南岸。
地饒水草。舊爲鄂畢特鄂拓克游牧處。

自雅爾至此。爲塔爾巴噶台北境。

哲克得里克。

哲克得里克。在塔爾巴噶台南境。南至廸化州
三百里。北境有河。合流南下。其東南境沙漠彌
望。東西五百里。南北三百里。卽唐所謂沙陀者
也。

唐書沙陀傳西突厥別部處月種也。始突厥東西部分治烏孫故地。與處月處密雜居。貞觀七年。太宗立利娑咄陸可汗。而族人步真失望。謀并其弟彌射。乃自立。彌射懼。率處月等入朝。而步真勢窮亦歸國。其留者咄陸以射置特勒。越之子賀魯統之。處月居金婆山之陽。蒲類之東。有大磧。名沙陀。故號沙陀突厥云。賀魯來降。拜瑤池都督。處月朱邪闕俟斤阿厥亦請內屬。永徽初。賀魯反。射脾俟斤沙陀那速不肯從。高

宗以賀魯所領授之。廢瑤池都督府。卽處月地。置金滿沙陀二州。皆領都督。賀魯亡。處月來歸。乃置崑陵都護府。統咄陸部。以彌射爲都護。龍朔初。以處月酋沙陀金山從武衛將軍薛仁貴討鐵勒。長安二年爲金滿州都督。子輔國嗣。先天初。徙部北庭。率其下入朝。開元二年。復領金滿州都督。至德寶應間。中國多故。北庭西州閉不通。朝奏使皆道出回紇。而虜多漁獵。尤苦之。雖沙陀之倚北庭者。亦因其暴斂。貞元中。沙陀

部七千帳。附吐蕃。吐蕃寇邊。常以沙陀爲前鋒。
元和三年。悉衆三萬落。循烏德韃山而東。款靈
州塞。處其部鹽州。置陰山府。

按沙陀爲西突厥別種。而突厥治烏孫故地。

今準噶爾地。屬漢烏孫塔爾巴噶台南境。大

磧綿亘。其爲沙陀故跡。較然無疑。漢時蒲類

國得罪匈奴。而遷右部在今廸化州。說見前

州屬沙磧正當其北。所謂沙陀卽處月居蒲類

之東者。方位不爽。沙磧之中。山谷委蛇。祁連

分支。東西相望。金沙之山。於是乎在。賀魯居

多邏斯川。卽今額爾齊斯。說見本卷及蓋建

庭於此。而南統沙陀諸部也。賀魯叛。沙陀不

從。廢瑤池都督府。而置金滿。沙陀二州於處

月之地。以賀魯所統授之者。蓋建庭於南。而

北統多邏斯川諸部也。今自烘和圖。淖爾。額

爾齊斯。郭勒。南至大磧。竟六百里。當時統馭

所及。方隅較然。金滿。沙陀二州。交界莫考。然

按漢書車師後部。有金滿城。唐書地理志。北

金定皇興西垣圖志 卷十一
庭大都護府有金滿縣。則此金滿州宜居南附山。爲漢金滿城舊地。而沙陀州宜居北。以地有沙磧故名也。賀魯亡後。處月來歸。卽其地置崑陵都護府者。所以統金滿沙陀二州之地。而賀魯舊庭。別置濛池都護府。與崑陵都護府南北分治。則崑陵都護府所轄。當在今薩里山以南。迄于天山。而額爾齊斯郭勒一帶不及焉。沙陀金山之後。或徙北庭。或附吐蕃。叛服不常。而故壤仍爲所統。自元和三

年。東徙鹽州。范希朝鎮太原。料其勁騎爲沙陀軍。其酋長朱邪執宜保神武川之黃花堆。更號陰山北沙陀。雖仍舊名。而非舊地矣。

納林和博克。

納林和博克。在哲克得里克西北八十里。北倚鄂爾和楚克鄂拉。山下有泉。南流會克特和博克之水合流。南注於哲克得里克。舊爲布庫努特鄂拓克游牧之所。

唐書突厥傳。西突厥始與東突厥分烏孫故地。

而有之。由焉耆西北七日行得南庭。北八日行得北庭。與都陸努失畢歌邏祿處月處蜜伊吾諸種雜。

按今山南回部之哈喇沙爾。爲古焉耆。自哈喇沙爾踰山直北。至納林和博克。六百餘里。所謂西突厥北庭。由焉耆北八日行者。宜屬此地也。後自泥橛處羅可汗朝隋。被留不遣。國人別立射匱可汗。徙庭三彌山。其弟統葉護可汗。復徙千泉。在今伊犁西境。非復焉耆。

直北爲北庭之舊矣。其西葉薊國亦思又割

格爾鄂爾格。西餘其下不與對悉審等三語共

格爾鄂爾格。在納林和博克東。又東爲克特和博克。舊謂會長所居之地。爲鄂爾格。疑當時部會建庭於此。故名。

克特和博克。其地天寶時其大節回鹘舊都。克特和博克。在納林和博克東南二十里。水南流。會納林和博克郭勒。入哲克得里克境。西三里許有古廟。爲準噶爾境內舊蹟。建置之始。蓋

莫考矣。

唐書突厥傳使拔悉蜜奚契丹分道捕默棘連。默棘連大恐。拔悉蜜距北庭三百里。乃分兵由他道襲拔其城。天寶初。其大部回紇葛邏祿拔悉蜜並起。攻葉護殺之。尊拔悉蜜之長爲頡跌伊施可汗。於是回紇葛邏祿自爲左右葉護可汗。國人奉判闕特勒子爲烏蘇米施可汗。以其子葛臘哆爲西殺。其下不與。拔悉蜜等三部共攻烏蘇米施。米施遁亡。其西葉護阿布思及噶

臘哆率五千帳降。以葛臘哆爲懷恩王。三載。拔悉蜜等殺烏蘇米施。傳首京師。其弟白眉特勒鶻隴匍立。是謂白眉可汗。於是突厥大亂。國人推拔悉蜜酋爲可汗。詔朔方節度使王忠嗣以兵乘其亂。抵薩河內山。擊其左阿波達千一部。破之。獨其右未下。而回紇葛邏祿殺拔悉蜜可汗。奉回紇骨力裴羅定其國。是謂骨咄祿毗伽闕可汗。明年殺白眉可汗。傳首獻。回鶻傳拔悉蜜。貞觀二十三年始來朝。天寶初與回紇葉

護擊殺突厥可汗。立拔悉蜜大會阿史那施爲
賀臘毗伽可汗。遣使者入謝。不三歲。爲葛邏祿
回紇所破。奔北庭。後朝京師。拜左武衛將軍。地
與衆歸回紇。

按拔悉蜜與葛邏祿雜居。東連回紇。以噉欲
谷距北庭三百里之文考之。宜在今烏魯木
齊北三百里外。則正今之克特和博克納林
和博克一帶地。其與三葛邏祿分疆處所。卽
不可考。要其大槩。自不可易也。拔悉蜜爲頡

藹里跌伊施可汗時。葛邏祿爲右葉護。其地自當
京在拔悉蜜西。至葛臘哆西殺之地。方隅界址。
雖難確指。然旣名西殺。地應偏右。當與葛邏
祿雜居北境矣。突厥傳載白眉可汗立後。拔
悉蜜會復爲可汗。應卽回鶻傳所謂賀魯毗
伽伽可汗者。與頡跌伊施可汗分王故地。不三
十歲而或殺或奔。於是其地皆歸葛邏祿。唐書
回鶻傳所謂在金山北庭。自立葉護。與回紇
爭強者也。餘詳前塔爾巴噶台條。

烘郭爾鄂籠。

烘郭爾鄂籠在克特和博克東十五里。

什巴爾圖。

什巴爾圖在烘郭爾鄂籠東北百里。西倚山岩。

南臨沙磧。無水有草。

烏爾圖。

烏爾圖在什巴爾圖東北五十里。烏爾圖布拉克

經其南。薩里鄂拉環其北。

薩里

納木。

薩里在烏爾圖東北十六里。北有薩里鄂拉。其下出泉。東流入於沙磧。

納木在哲克得里克西。踰哈畢爾噶布拉克托

來布拉克至其地。北倚高山。南麓有泉。左右二

源。合而南流。入於沙磧。舊為阿克巴集賽。游牧

之所。

穆呼勒戴鄂多特。

穆呼勒戴鄂多特在納木西四十里。北倚鄂爾

和楚克鄂拉。南臨額彬格遜淖爾。山麓有泉。南流入於沙磧。舊為阿克巴集賽游牧之所。

達爾達木圖。

達爾達木圖。在穆呼勒戴鄂多特西二十里。北倚高山。南臨淖爾。山麓有泉。南流入於沙磧。亦阿克巴集賽游牧之所。

蘇海圖。

蘇海圖。在達爾達木圖西二十里。北倚高山。南臨淖爾。山麓有泉。南流入於沙磧。亦阿克巴集

賽游牧之所。

謨多圖布古圖。

謨多圖布古圖。在蘇海圖西南二十里。北倚高山。山麓有泉。南流入於沙磧。亦阿克巴集賽游牧之所。

尼楚滾布古圖。

尼楚滾布古圖。在謨多圖布古圖西南。有泉南流。出谷入於沙磧。亦阿克巴集賽游牧之所。西十里有鄂倫布拉克。接庫爾喀喇烏蘇界。

伊奇爾。在尼楚滾布古圖西四十里。踰鄂倫布拉克而止。北倚高山。山麓有泉。南流入於沙磧。夙舊為伊克呼拉爾集賽游牧之所。

布爾噶蘇台。

布爾噶蘇台。在伊奇爾西四十里。北倚高山。山麓有泉。南流入於沙磧。亦伊克呼拉爾集賽游牧之所。古圖西四十里。北倚高山。南

察拉垓。

察拉垓。在布爾噶蘇台西三十里。北倚高山。山麓有泉。南流入於沙磧。舊為賚嗎里木集賽游牧之所。

綽爾。

綽爾。在察拉垓西四十里。北倚高山。山麓有泉。南流入於沙磧。亦賚嗎里木集賽游牧之所。

齋爾。在綽爾東北五十里。踰山而至。東北距額敏三百里。地廣饒水草。舊為阿克巴。拉布里木。

杜爾巴。推素隆。伊克呼拉爾。五集賽游牧之所。
乾隆二十四年。大兵進剿。準噶爾。五集賽宰桑
達什策凌等。以其地內屬。

自哲克得里克至此。爲塔爾巴噶台西南境。
額爾齊斯。

額爾齊斯。在塔爾巴噶台東南。青吉勒郭勒北
境。阿勒坦鄂拉西境。東西七百里。南北三百里。
額爾齊斯郭勒經流其地。爲都爾伯特部游牧
之所。乾隆十八年。台吉策凌策凌伍巴什策凌

孟克等。率所屬二千六百餘戶內附。編設旗分。
優錫親王等爵。俾長故地。都爾伯特爲四衛拉
特之一。厥後綽羅斯和碩特輝特以肆惡淪亡。
惟都爾伯特部終守臣節。至今弗替云。

〔隋書西突厥傳〕西突厥者。木杆可汗之子大邏
便也。與沙鉢略有隙。因分爲二。漸以疆盛。東距
都斤。西越金山。龜茲。鐵勒諸胡悉附之。後處羅
可汗。居無恒處。然多在烏孫故地。射匱襲處羅
處羅大敗。東走。遁於高昌。〔鐵勒傳〕鐵勒之先。匈

奴之苗裔也。金山西南有薛延陀。啞勒兒。十槃。達契等一萬餘兵。

唐書突厥傳突厥阿史那氏。蓋匈奴北部也。居金山之陽。臣於蠕蠕。種裔繁衍。至吐門遂疆大。回鶻傳。裴羅攻殺突厥白眉可汗。拜裴羅左驍衛員外大將軍。斥地愈廣。東極室韋。西金山。南控大漠。盡得古匈奴地。薛延陀者。先與薛種雜居。後滅延陀部有之。姓一利啞氏。在鐵勒諸部最雄張。西突厥處羅可汗之殺鐵勒諸酋也。其

下往往相率叛去。奉薛延陀乙失鉢爲野啞可汗。在金山。西役葉護可汗。貞觀二年。乙失鉢孫曰夷男。率部帳附頡利。後突厥衰。夷男反攻頡利。弱之。太宗册拜爲眞珠毗伽可汗。樹牙鬱督軍山。直京師西北六千里。東靺鞨。西葉護突厥。南沙磧。北俱倫水。地大衆附。回紇諸部莫不伏屬。頡利可汗之滅夷男。率其部稍東保都尉犍山。獨邏水之陰。遠京師纔三千里而羸。東室韋。西金山。南突厥。北瀚海。蓋古匈奴地也。

按今阿勒坦爲古金山。額爾齊斯在金山西南境。唐書稱阿史那氏居金山之陽。裴羅西越金山者。宜在此地也。回鶻傳稱薛延陀爲葉護可汗。葉護可汗者。伽那設之子畢賀咄。葉護立爲乙毗沙鉢羅葉護可汗。建庭雖合水北。東薄伊列河。薛延陀西與爲鄰。則其地固當在伊犁之東。金山之西。由額爾齊斯以西。迄於伊犁皆是也。南沙磧者。指沙陀所處之大磧。北俱倫水者。卽多邏斯川之分支。蓋

薛延陀未徙之前。境界如是。自頡利滅而夷男東徙。則向之在金山西者。乃始西倚金山。而居金山之東矣。

青吉勒。

青吉勒。在額爾齊斯西南。卽青吉勒郭勒北岸地。東爲布拉青吉勒。西爲哈達青吉勒。皆青吉勒郭勒發源處。

自額爾齊斯至此。爲塔爾巴噶台東南境。

〔漢書匈奴傳〕西方呼揭王畔去。自立爲呼揭單

于。右輿鞬王聞之。卽自立爲車犁單于。烏藉都尉自立爲烏藉單于。屠耆兵擊車犁。烏藉。烏藉車犁皆敗。西北走。與呼揭單于合。烏藉呼揭去。單于號。并力尊輔車犁。屠耆單于自將西擊車犁。車犁敗。西北走。明年。屠耆單于擊呼韓邪單于。兵敗自殺。從弟休旬王自立爲閏振單于。在西邊。東擊郅支單于。郅支與戰。殺之。并其兵。攻呼韓邪。破走之。郅支都單于庭。後引其衆。欲攻定右地。屠耆單于小弟亦亡之。右地自立爲伊

利目單于。郅支并其兵。留居右地。自度力不能定匈奴。乃益西近烏孫。欲與并力。遣使見小昆彌。烏就屠。烏就屠乃殺郅支使。發八千騎迎郅支。郅支勒兵逢擊烏孫。破之。因北擊烏揭。烏揭降。發其兵西破堅昆。北降丁令。并三國。數遣兵擊烏孫。常勝之。郅支以道遠。上書求侍子。漢遣谷吉送之。郅支殺吉。呼韓邪益強。恐見襲擊。欲遠去。會康居王數爲烏孫所困。與諸翁侯計。郅支困阨在外。可迎置東邊。使合兵取烏孫。以立

之長無匈奴憂矣。即使使至堅昆。通語郅支。遂與相結。引兵而西。康居亦遣貴人迎郅支。後都護甘延壽。副陳湯發兵。即康居斬郅支。

按漢烏孫爲今準噶爾。康居爲今哈薩克。而準噶爾東境。猶屬匈奴。水經注稱敦薨水出焉者。北敦薨山。在匈奴之西。烏孫之東。焉者。即今喀喇沙爾。敦薨水。即今海都郭勒。敦薨山。即今海都塔克。以此求之。則自哈喇沙爾直北踰天山。爲迪化州。即烏魯本齊。又直北

爲塔爾巴噶台。當屬漢匈奴烏孫交界處。今自迪化州北。抵塔爾巴噶台。以東之境。均應屬漢匈奴右地。呼揭。車犁。烏藉。閏振。郅支。伊利。日於此互相角逐。而郅支西北。通康居。即今準部西北。與哈薩克交壤之處。灼然可見。至魏書蠕蠕傳。西則焉耆之地。北渡沙漠。高車主彌俄特。與蠕蠕主伏圖。戰於蒲類海北。伏圖次於伊吾北山。則塔爾巴噶台諸境。在魏當爲蠕蠕地也。隋書突厥阿史那以五百

家奔茹茹。

即蠕蠕。書互異。

史

唐書西突厥與東突厥

分烏孫故地有之。據此則烏孫東境。即蠕蠕

舊地。後入突厥。亦無可疑者。

欽定皇輿西域圖志卷十一

